

Adorashon Ku Dios Ta Aprobá (Parti 1)

Basá riba kapítulo 15 di e buki *Kiko Beibel Ta Siña Realmente?* Bo por download e buki akí for di jw.org/pap.

META: Analisá bo kreensianan i e motibunan pakiko bo ta kere den nan, analisá loke Beibel ta siña i wak kon bo por splika bo kreensianan na otro hende.



TUR RELIGION TA AGRADÁ DIOS?

1 ANALISÁ BO KREANSIANAN

Dikon tin hende ta bisa 'sí'?

Dikon tin hende ta bisa 'nò'?

Kiko *bo* mes ta pensa?

Dikon bo ta pensa asina?

2

ANALISÁ LOKE BEIBEL TA SIÑA


Nos mester adorá Dios na e manera ku e ta aprobá. (Wak kapitulo 15 di e buki *Beibel Ta Siña*, paragraf 1-4.)

Lesá Mateo 7:21-23.

Segun Hesus, dikon no ta suficiente pa djis *bisa* ku nos ta kere den dje òf su Tata?

Lesá Mateo 7:13, 14.

Dikon no mester sorprendé nos ku mayoria hende no a haña e religion berdadero?



Si nos studia e plaka outéntiko, lo ta mas fásil pa rekonosé e plaka falsu. Asina tambe, unabes nos haña sa kon pa identifika e religion berdadero, ta mas fásil pa nos rekonosé e religionnan ku ta falsu

Esnan ku tin e religion berdadero ta basa nan kreensianan riba Beibel i ta hasi loke Dios ke.

(Wak kapitulo 15 di e buki *Beibel Ta Siña*, paragraf 5-14.)

Lesá Salmo 83:18, Mateo 20:28 i 2 Timoteo 3:16,17.

Kiko kristiannan berdadero ta pensa tokante Dios, Hesus i Beibel?

Lesá Mateo 24:14, Marko 12:17 i Huan 13:35.

Kon adoradónan di Dios ta mustra den nan bida di tur dia ku nan tin e religion berdadero?

Kiko ta konvensé *abo* ku Testigunan di Yehova tin e religion berdadero?

3

SPLIKA OTRO HENDE BO KREENSIANAN

SI UN HENDE BISA...

Tin algu bon den tur religion.

BO POR BISA ...

Ta bèrdat ku den tur religion tin bon *hende*. Pero ami ta pensa ku tin solamente ún religion ku Dios ta aprobá pasobra...

Kua teksto bo por lesa pa e persona?

Ku e persona su punto di bista na mente, kon lo bo usa e teksto ei pa rasoná ku e persona?

SI UN HENDE BISA ...

Mi religion ta un di esnan mas grandi na mundu. No por ta ku tantu hende asina ta robes.

BO POR BISA ...

Hopi hende tambe ta pensa asina; pero ami no ta pensa meskos, pasobra ...

Kua teksto bo por lesa pa e persona?

Ku e persona su punto di bista na mente, kon lo bo usa e teksto ei pa rasoná ku e persona?
